



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

9 c Appolonia Junckfraw vnd Marterin.

**urn:nbn:de:hbz:466:1-41449**

e

v. Idus Februarij.

## Der IX. tag im Hornung.

**G**ut ist der achte Tag / des Fests der reinigung  
M<sup>xxx</sup> & der heyligsten Mütter Christi / oder  
der Liechtmess.

Item zu Alexandria / das leyden der heyligen be-  
rühmbten Junckfrawen vnd Marterin Apolonie /  
welche zur zeit des Kayfers Decij gefangen / vnd zu den Anno Dñ'  
Abgöttern geführt ward / vnd da sie dieselben nicht 253.  
anbetten wolt / hat man ihr erstlich alle Zähne aufge-  
schlagen / darnach ein Feuer gemacht / darein sie selbs ge-  
sprungen / vnd darinn S<sup>o</sup> T<sup>e</sup>shen Geist auffgeben.  
Darab dann auch die gewolichen Peiniger erschrecken /  
das diß Weibebild bereit war zu sterben / dann sie zu-  
peinigen. Ihr heyliger Leib ist mit sampt den Reli-  
quien der heyligen Junckfrawen Cointhe / vnd des heyl-  
ligen Marterers Metranij / zu Alexandria begraben  
worden.

Item die begräbnuß einer andern heyligen Junck-  
frawen Apolonie / welche zu Rom vnder dem Kayser  
Juliano gemartert worden: deren Vatter / ein Edler Anno Dñi  
Römischer Burger / auch vnder dem gemelten Kayser 360.  
gelidten. In diser heyligen Junckfrawen leyden seind  
vil Menschen beköhret worden / darumb sie der wütig  
Kayser selbst mit einem Schwerdt durchstochen / deren  
Seel aber in gestalt einer Tauben / die Engel gen Him-  
mel geführt haben.

Item zu Suceo in Cypren / der heyligen Marte-  
rer Ammonis vnd Alexandri.

S ij

Item

## Februarius

Item inn dem Kloster Fontanella / des heyligen Rothomagensischen Erzbischoffs Ansberti. Disem ward ein Edle Junckfraw / mit Namen Angadrisina / verheyrat / welche doch die Keuschheit erwöhlet / vnnnd durch ihr Gebett von Gott erlangete / daß sie gar scheußlich vnd Aufferzig ward. Ist hernach von dem heyligen Rothomagensischen Erzbischoff Audoenno geweyhet / vnd Christo vermählet / auch alsbald zu der vorigen gesundhait vnd schönheit widerbracht worden. Ansbertus aber / folgete auch der Junckfrawen Exempel / vnnnd ward vnder dem heyligen Abt Wandregisilo / in dem Kloster Fontanella ein Mönch / darnach ein Abt / vnd endlich nach S. Audoenno Bischoff. Ist doch auß falschem verdacht / ins ellend geschickt worden / auff einen hohen Berg / daselbst er im seiden verschaiden. Da sein Leib hinweg geführet ward / sahe man ihn dreymal die Augen auffthun. Kähet gesund zu Beluaco.

Anno Dñi  
700.

Item in Irland / der heyligen Junckfrawen Tharahate.

Item auch in Irland des heyligen Bischoffs vnd Beichtigers Trouani.

Item inn Engeland / des heyligen Beichtigers Theyllani.

f            iij. Idus Februarij.

Der X. Tag im Hornung.

**Z**u Rom / ist heut der Geburtstag der heyligen Marterer Potici / Irenei / Hiacinthi / vnnnd Amantij.

Item